

Облыстық әкімдіктің 2003 жылғы 2 маусымдағы N 83 "Шағын және орта бизнес, сауда мен қызмет мәселелері жөніндегі Комиссия туралы" қаулысын жүзеге асыру туралы

Күшін жойған

Бесқарағай аудандық әкімдігінің 2003 жылғы 15 тамыздағы N 135 қаулысы. Шығыс Қазақстан облысының Әділет басқармасында 2003 жылғы 15 қыркүйекте N 1392 тіркелді. Күші жойылды - Шығыс Қазақстан облысы Бесқарағай аудандық әкімдігінің 2007 жылғы 18 сәуірдегі N 569 хатымен

Ескерту. Күші жойылды - Шығыс Қазақстан облысы Бесқарағай аудандық әкімдігінің 2007.04.18 N 569 хатымен.

Кәсіпкерлікті одан әрі дамыту мен қолдау, мемлекеттік сауда саясатын жүзеге асыру мақсатында, Қазақстан Республикасының 2001 жылғы 23 қаңтардағы N 148-11 "Қазақстан Республикасындағы жергілікті мемлекеттік басқару туралы" Заңының 31 бабы 1 тармағы 3), 4) тармақшаларының негізінде, Бесқарағай аудандық әкімдігі **ҚАУЛЫ етеді:**

1. Шағын және орта бизнес, сауда мен қызмет мәселелері бойынша аудандық Комиссия құрылсын (бұдан әрі Комиссия).
2. Қоса берілген Комиссия туралы Ереже бекітілсін.
3. Аудан әкімі аппаратының экономика бөлімі (Жүнүсқожина Г. С.) Комиссияның дербес құрамы бойынша ұсыныс енгізісін.
4. Осы қаулының орындалуына бақылау жасау аудан әкімінің орынбасары Е. Рахметуллинге жүктелсін.
5. Нақты қаулы мемлекеттік тіркелген күннен бастап күшіне енеді.

Аудан әкімі

Бесқарағай аудандық әкімдігінің
2003 жылдың 15 тамыздағы
N 135 қаулысына қосымша

Бесқарағай аудандық әкімдігі жанындағы шағын және орта бизнес, сауда және қызмет мәселелері жөніндегі Комиссия туралы

ЕРЕЖЕ

1. Жалпы жағдай

1. Бесқарағай аудандық әкімдігі және орта бизнес, сауда және қызмет мәселелері жөніндегі Комиссия (бұдан әрі - Комиссия) консультативтік - кеңестік орган болып табылады және Қазақстан Республикасында шағын кәсіпкерлікті қолдау және әрі қарай дамыту концепциясын, сауда саясатын іске асыру мақсатында құрылған.

2. Комиссия "Қазақстан Республикасы Үкіметінің жанынан шағын және орта бизнес мәселелері жөніндегі Комиссияны құру туралы" Қазақстан Республикасы Үкіметінің 2002 жылғы 7 тамыздағы N 883 қаулысының, Шығыс Қазақстан облыстық әкімдігінің 2003 жылғы 2 маусымдағы N 83 қаулысының негізінде құрылған.

3. Комиссия өзінің іс-әрекетінде Қазақстан Республикасының Конституциясын, Қазақстан Республикасының заңнамасын, сондай-ақ осы Ережені басшылыққа алады.

2. Комиссияның негізгі міндеттері мен функциялары

4. Комиссияның негізгі міндеттері:

1) Шағын кәсіпкерлікті мемлекеттік қолдау туралы»Қазақстан Республикасының заңын іске асыру жөніндегі шараларды өткізуге әрекеттесу;

2) салық төлемдерін төмендету мәселелері жөніндегі тиісті мемлекеттік органдар үшін ұсынымдар әзірлеу;

3) меншік пен активтерді заңдастыру мәселелері жөніндегі ұсыныстар енгізу;

4) кредит ресурстарын алу жолдарын жеңілдету шараларын өткізу жөніндегі ұсынымдар әзірлеу;

5) әкімшілік рәсімдер мен рұқсат етуді жеңілдету мәселелері бойынша ұсыныстар әзірлеуге қатысу;

6) шағын және орта бизнесті қолдау өңірлік орталықтарын ұйымдастыру жөніндегі ұсынымдар әзірлеу;

7) ауылда шағын және орта бизнесті, сауда және қызметті дамыту жөніндегі ұсыныстар әзірлеу;

8) жергілікті атқарушы органдар үшін шағын және орта бизнес, сауда және қызмет мәселелері жөніндегі ұсынымдар әзірлеу;

9) кәсіпкерлердің қоғамдық ұйымдарының конструктивті бастамаларын қолдау, азаматтардың әл-ауқаттылығын жоғарылату және экономика жағынан дамыған мемлекетті құруындағы әр кәсіпкердің белсенді өмірлік оң көзқарасын насихаттау;

10) кәсіпкерлік іс-әрекетті мәселелері жөніндегі жергілікті атқарушы органдарының қаулыларын өз бастамаларымен әзірлеу;

11) шағын және орта бизнесті, сауда және қызметті қолдау және қорғау жөніндегі жобалар мен мақсатты бағдарламаларын іске асыру, үйлестіру және әзірлеуіне әрекеттесу.

5. Оған жүктелген міндеттерге сәйкес комиссияның функциялары:

1) шағын және орта бизнесті қолдау және дамыту жөніндегі өнерлік және салалық бағдарламаларын іске асуын және үйлестіруін қамтамасыз етуінде, әзірлеуінде қатысу;

2) көкейкесті әлеуметтік-экономикалық проблемаларды шешуге бағытталған бағдарламаларды әзірлеуінде қатысу, оларды іске асыруында кәсіпкерліктің шағын және орта субъектілерін, бірлестіктерін, одақтары мен ассоциацияларын қатыстыру;

3) шағын және орта бизнес, сауда және қызмет мүдделеріне қарасты заңнамада белгілеген тәртіпте өз бастамаларымен нормативтік құқықтық актілерінің жобаларын әзірлеуін іске асыру;

4) заңнамада белгілеген тәртіпте жергілікті атқарушы органдардың нормативтік құқықтық актілерінің жобаларын әзірлеу үшін шағын және орта бизнес өкілдерін тарту және кәсіпкерлер ассоциацияларына, бірлестік, одақ, шағын және орта кәсіпорындарына ұйымдық, қаржылық, материалдық-техникалық көмек көрсету жөніндегі шараларды әзірлеу;

5) жергілікті атқарушы органдарының нормативтік құқықтық актілерінің жобаларын әзірлеуінде заңнамада белгілеген тәртіпте кәсіпкерлердің пікірлерін есепке алу;

6) шағын және орта бизнестің салалық, кәсіби және аумақтық одақтары, ассоциациялары, бірлестіктері және басқа да кәсіпкерлік құрылымдарымен өзара іс-әрекеттесу;

7) шағын және орта бизнеске, сауда және қызметке қолдау жасайтын мемлекеттік органдармен, шағын және орта бизнес, сауда және қызмет облысында мемлекеттік саясатты жетілдіру және келісімді шешімдер әзірлеу үшін үнемі өзара іс-әрекет жасау;

8) тиісті мемлекеттік органдардың, кәсіпкерлер қоғамдық ұйымдарының өкілдерінің, сондай-ақ кәсіпкерлердің өздерінің қатысуымен тақырыпты отырыстар өткізу;

9) заңнамада белгілеген тәртіпте кәсіпкерлердің заңды құқықтарын қорғау және мүдделеріне өкілдік ету;

10) заңнамада белгілеген тәртіпте комиссияда жұмыс істеу үшін ғалымдар, беделді кәсіпкерлер, басқару органдарының өкілдері мен басқа да мамандар қатарынан эксперт және кеңесшілерді тарту;

11) белгіленген тәртіпте мемлекеттік органдардан қажетті ақпараттық, талдаулық, анықтама-статистикалық құжаттар жиынтығын, сондай-ақ ведомстволық нормативтік құқықтық актілерді алу болып табылады.

3. Комиссия іс-әрекетін ұйымдастыру

6. Комиссияны төраға - Бесқарағай аудан әкімінің орынбасары басқарады.
7. Комиссия құрамына мемлекеттік органдардан мемлекеттік органның бірінші басшысы деңгейіндегі мәртебесі бар өкілдері енгізілді.
8. Комиссияның жұмыс органының функциялары аудан әкімінің экономика бөліміне жүктеледі.
9. Комиссияның жұмыс органы:
- 1) комиссия отырысының күн тәртібін қалыптастырады;
 - 2) комиссия шешімдерін атқаруын бақылайды және қамтамасыз етеді;
 - 3) комиссия мүшелері мен оның іс-әрекетіне тартылған мамандардың жұмысын үйлестіреді.
10. Комиссия отырысында қарастырылған мәселелер тізбесі қажеттілігіне байланысты құрастырылып төрағамен бекітіледі.
11. Бекітілген тізбе тізім бойынша комиссия мүшелеріне таратылады.
12. Комиссия отырысының нәтижесі бойынша хаттама құрастырылады және төрағасының қолы қойылады. Комиссия шешімі ашық дауыс беру жолымен дауыстардың көпшілігімен қабылданады және комиссия мүшелерінің жалпы санының көпшілігі дауыс берген жағдайда қабылданды деп есептеледі. Егер берілген дауыстар тең болған жағдайда төраға дауысын берген шешім қабылданды деп есептеледі.
13. Комиссия шешімдері ұсыным беру сипатта.
14. Комиссия мүшелері ерекше пікірлерін айтуға құқылы, ол айтылған жағдайда жазба түрінде мазмұндалып комиссия отырысының хаттамасына қоса берілу қажет.
15. Комиссия отырыстары қажеттілігіне байланысты тоқсанына бір реттен кем емес өткізіледі және төрағамен шақыртылады. Егер жедел шешім қабылдау қажеттілігі туындаған жағдайда комиссияның жоспардан тыс отырысы өткізілуі мүмкін, ол төрағаның шақыруымен өткізіледі.
16. Комиссия отырысында төрағаның шақыруы бойынша өтініштері қарастырылатын кәсіпкерлер мен олардың қоғамдық ұйымдарының өкілдері, мүдделі мемлекеттік органдардың лауазымды тұлғалары, сондай-ақ басшылары қатыса алады.

Аудан әкімінің аппарат басшысы